

«Бекітемін»  
«Балаларды ерте дамыту  
институты» РММ директоры  
М.Адамова  
«04» сәуір 2023 ж.

**Кітап бұрышын ұйымдастыру бойынша «Балаларға базарлық»  
республикалық байқауын өткізу туралы  
ЕРЕЖЕ**

**1. Жалпы ережелер**

1.1. Осы Ереже меншік нысаны мен ведомстволық бағыныстылығына карамастан мектепке дейінгі ұйымдар арасында кітап бұрышын ұйымдастыру бойынша «Балаларға базарлық» республикалық байқауын (бұдан әрі – Байқау) ұйымдастыру тәртібі мен өткізу шарттарын белгілейді.

1.2. Байқау ҚР ОАМ «Балаларды ерте дамыту институты» РММ (бұдан әрі – Институт) 2023 жылға арналған жоспарына сәйкес өткізіледі.

1.3. **Мақсаты:** балалардың көркем әдебиетімен танысу, педагогтің оқуы, шығармаларды қайталау, талдау арқылы коммуникативтік дағдыларды дамыту үшін оңтайлы жағдайлар жасау.

**1.4. Міндеттері:**

- балалардың кітаптарға, балалар әдебиетіне, театр әлеміне деген тұрақты қызығушылығын дамыту;

- тәрбиеленушілердің ойлау қабілеттерін қалыптастыруға, есте сақтау қабілеті мен қиялын дамытуға, сөздік қорын толықтыруға ықпал ету;

- кітаптардың, суреттер мен иллюстрациялар жинақтарының балалардың жас ерекшеліктеріне сәйкес болуын қамтамасыз ету;

- кітап бұрышын ұйымдастыру бойынша заманауи тәсілді ұсыну, озат тәжірибені жалпылау, жинақтау, тарату;

- кітап бұрышында балалардың түрлі әрекетін ұйымдастыру бойынша тәжірибесімен бөлісу;

- аталған жұмысты ұйымдастыруға ата-аналарды тарту.

**2. Байқауды ұйымдастыру тәртібі және өткізу шарттары**

2.1. Байқауды ұйымдастырушылар – «Балаларды ерте дамыту институты» РММ, аудандық бөлімдер, Облыстық, республикалық маңызы бар қалалар мен астананың білім басқармалары.

2.2. Байқауға барлық жастағы топтың педагогтері, балалары, тәрбиеленушілердің ата-аналары (заңды өкілдері) қатысады және келесі номинациялар бойынша өткізіледі:

- кіші жастағы балаларға арналған кітап бұрышы;

- ересек жастағы балаларға арналған кітап бұрышы.

2.3. Байқау үш кезеңде өткізіледі:

I кезең – аудандық, қалалық (облыстық, республикалық маңызы бар қалалардың) деңгейі;

II кезең – облыстық (республикалық маңызы бар қалалар мен астананың) деңгейі;

III кезең – республикалық деңгей.

2.4. Байқаудың барлық кезеңдерінде материалдарды бағалау үшін басшылардың бұйрығымен аудан, қала (облыстық, республикалық маңызы бар қала), облыс, республикалық маңызы бар қалалар және астана (құрамы кемінде 11 адам) деңгейінде Өңірлік комиссия құрылады.

2.5. Өңірлік комиссия аудандық, қалалық бөлімнің, облыстың, республикалық маңызы бар қалалардың және астананың білім басқармасының қызметкерлері, мектепке дейінгі ұйым басшылары, білікті педагогтер, әдіскерлер, ата-аналар қоғамдастығының өкілдері, бұқаралық ақпарат құралдары және т.б. қатарынан құрылады.

2.6. Өңірлік комиссия ұсынылған материалдарды зерделейді және бағалайды, келесі кезеңдерге қатысу үшін жеңімпаздарды анықтайды.

2.7. Комиссиясы мүшелері келесі құқықтарға ие:

- орындардың қайталануына жол беру
- лайықты үміткерлер болмаған жағдайда жүлделі орындарды бермеу;
- техникалық ақауларға байланысты (қатысушы тарапынан) ашылмаған бейнематериалдарды қарастырмау.

2.8. Республикалық кезеңнің байқау комиссиясының қарауына Облыстық, республикалық маңызы бар қалалар мен астананың білім басқармалары келесі материалдарды жолдайды:

1) Облыстық, республикалық маңызы бар қалалар мен астананың білім басқармаларының **ілеспе хаты**;

2) осы ереженің 1, 2-қосымшаларына сәйкес байқауға қатысу үшін **өтінім**;

3) екінші кезең қорытындысы бойынша Облыстық, республикалық маңызы бар қалалар мен астана білім басқармаларының **байқау комиссиясының хаттамасы** (сканерленген көшірмесі);

4) мазмұны осы Ереженің 3-қосымшасына сәйкес нысан бойынша рәсімдеуге қойылатын талаптарға және бағалау өлшемшарттарына сай ұзақтығы 4 минуттан аспайтын кітап бұрышындағы балалардың ұйымдастырылған іс-әрекеті үзіндісінен **«Балаларға базарлық» бейнеролигі**.

2.9. Материалдар «Балаларға базарлық» байқауының атауымен 2023 жылдың **«18» сәуірінен** кешіктірілмей **i-rrd2021@mail.ru** электрондық поштасына жіберіледі. Көрсетілген мерзімнен кеш келіп түскен материалдар қаралмайды, сондай-ақ қайтарылмайды.

2.10. Байқаудың II және III кезеңдеріне номинациялар бойынша 1 орын иегерлері (2 жеңімпаздан артық емес) жіберіледі:

- кіші жастағы балаларға арналған кітап бұрышы;
- ересек жастағы балаларға арналған кітап бұрышы.

### **3. Қатысушыларға қойылатын талаптар және байқау шарттары**

3.1. Бейнелер YouTube бейне платформасына жүктеледі, өтінімде сілтеме орналастырылады.

3.2. Байқау кезінде түсірілген бейнежазбаларға, оларды таратуға, сондай-ақ жариялауға (оның ішінде Интернет желісінде) барлық құқықтар байқаудың ұйымдастыру комитетіне тиесілі және олар қатысушылардың келісімінсіз білім беру, әдістемелік мақсаттарда пайдалануы мүмкін.

3.3. Өтінім байқау өткізу шеңберінде болашақ қатысушының осы Ереженің шарттарын толық қабылдайтындығының, жеке деректерді өңдеуге келісім беретіндігінің дәлелі болып табылады.

### **4. Қорытынды шығару, жеңімпаздарды марапаттау**

4.1. Кітап бұрышын ұйымдастыру бойынша «Балаларға базарлық» байқауының республикалық кезеңінің қорытындысы бойынша келесі жүлделі орындар белгіленеді:

- I орын;
- II орын;
- III орын.

4.2. Жеңімпаздар Институттың дипломдармен және алғыс хаттарымен марапатталады.

4.3. Байқау қорытындысы мен жеңімпаздардың материалдары Институттың <http://irrd.kz> сайтында жарияланатын болады және әлеуметтік желілер парақшаларына орналастырылады.

**Анықтамалар үшін телефон: 8 (7172) 28-09-50**

\_\_\_\_\_ облысы бойынша  
**Кітап бұрышын ұйымдастыруда**  
**кіші жастағы балаларға арналған номинация бойынша**  
**«Балаларға базарлық» республикалық байқауына қатысу үшін**  
**ӨТІНІМ**

Білім беру ұйымының толық атауы (МДҰ Жарғысына сәйкес)	
Педагогтің аты-жөні, тегі	
Балалардың жасы	
Кітап бұрышында балалардың ұйымдастырылған іс-әрекетінің үзіндісі бар бейнематериал орналастырылған YouTube платформасындағы бейненің сілтемесі	

\_\_\_\_\_ облысы бойынша  
**Кітап бұрышын ұйымдастыруда**  
**ересек жастағы балаларға арналған номинация бойынша**  
**«Балаларға базарлық» республикалық байқауына қатысу үшін**  
**ӨТІНІМ**

Білім беру ұйымының толық атауы (МДҰ Жарғысына сәйкес)	
Педагогтің аты-жөні, тегі	
Балалардың жасы	
Кітап бұрышында балалардың ұйымдастырылған іс-әрекетінің үзіндісі бар бейнематериал орналастырылған YouTube платформасындағы бейненің сілтемесі	

## **Бейнероликті рәсімдеуге қойылатын талаптар және бағалау критерийлері (5 ұпай)**

*Бейнероликті рәсімдеуге қойылатын талаптар:*

Бейнематериалдың басты бетінде: мектепке дейінгі ұйымның атауы; топтың атауы; педагог туралы мәліметтер (тегі, аты, әкесінің аты, лауазымы) көрсету қажет.

Байқауға кәсіби, сапалы түсірілген, бейнекамераны өшірмей және тоқтатпай (басынан аяғына дейін) және байқаудың тақырыбына сәйкес келетін бейнероликтер ұсынылады

Қатысушылар бейнеролик жанрын өздері анықтайды (сұхбат, репортаж, бейнеклип, мультфильм және т.б.). Фотосуреттерді қолдануға болады.

*Бейнероликке қойылатын талаптар:*

Бейне форматы: AVI, MOV, MPEG, MP4.

Бейненің минималды ажыратымдылығы-720 x 480 (12:8 см).

Бейнероликтің ұзақтығы – 4 минуттан аспау керек.

Кітап бұрышын ұйымдастыруд барысы туралы бейнеролик өтінімге сілтеме орналастыра отырып, YouTube бейне платформасына жүктеледі.

*Бейнероликтерді бағалау критерийлері:*

- байқаудың берілген тақырыбына мазмұнының сәйкестігі;
- эстетика, кітап бұрышын безендірудің өзіндік ерекшелігі, кітаптардың, журналдардың жай-күйі;
- бірлескен және дербес іс-әрекет үшін кітап бұрышының ұтымды және қолжетімді орналасуы;
- қауіпсіздік пен жайлылық талаптарына сәйкестік (жақсы жарықтандырылған орын, жұмсақ балалар жиһазы, сөрелер немесе кітап сөрелері);
- \* балалардың жасына, Мектепке дейінгі тәрбие мен оқытудың үлгілік бағдарламасының талаптарына сәйкес бұрыштың мазмұны мен қанықтылығы;
- \* ата-аналардың кітап бұрышын құруға және байытуға қатысуы.